



~~92625~~


~~Arch II b 36~~



Arch. 8° G. 1520 (25)





A highly decorative border surrounds the central text. At the top center, two crossed keys are visible. On the left side, a figure of a man with a beard and a hat is shown. On the right side, a figure of a man is depicted. At the bottom center, a building with a spire is visible. The border is filled with intricate floral and scrollwork patterns.

Von der Freyheyt
eyniß Christen
menschen.

Martinus Luther.

Wittenbergae.
Anno Domini

1 5 2 0.



926.25

Dem fürsichtigen vñ weyßzen hern

Hiero nymo Mülphorde Staduoget zu Zwycaw meye
nem besonden günstigen freund vnd patron
Empietz ich genant D. Martinus Lu
ther August. meyne willige dienst
vñnd allis guttis.

¶ Fürsichtiger weyßer Herr/ vñd Günstiger freund/ der wie
dig Magister Johan Egran/ ewi löblichen stat Priediger/ hae
mir hoch gepreyßet ewi lieb vñd lust / so yhr zu der heyligen
schufft traget / wilch yhr auch anßlich bekennen vñd für den
menschen zu preysen nit nachlasset. Dahalken er begereet/
mich mit euch bekennet zu machen/ byn ich gar leychtlich wil
lig vñd seßlich des beredt/ denn es mir eyn sondere freude ist / zu
hören/ wo die gottelich warheyt geliebt wirt / der leyder so vill/
vñd die am meysten/ die sich yhres titels auffwaßsen / mit aller
gewalt vñd list widderstreben/ wie wol es also seyn muß/ das
an Chrustum/ zu eynem ergemis vñd zeychen gesetzt/ dem wid
dersprochen werden muß/ vill sich stossen / fallen / vñd auffer
stehen müssen. Daruß hab ich an zu heben vnser kundschafft
vñd freantschafft / dis tractatell vñnd Samon euch wollen
zuschreyben/ ym deutschē/ wilchs ich latinisch dem Papst hab
zu geschrieben / damit für ydeman / meynere lere vñd schreyben/
von dem Papstum / nit eyn vorweyßlich / als ich hoff / wie
sach angezeygt. Befill mich hie mit/ euch/ vñd allsampt/
gottlichen gnaden. **A M E N.** Zu Wittans
bergt. 1 5 2 0. 2 4

Ihesus.

Zum ersten. Das wir grundlich

mügen erkennen/was eyn Christen mensch sey/ vñ wie es gethā sey/vñ die freyheyt/die yhm Christus erworben vñ geben hatt/ davon S. Paulus viel schreybt/will ich setzen/ dyße zween beschluss.

Eyn Christen mensch ist eyn freyer herr/ über alle ding / vñ niemande vnterthan.

Eyn Christen mensch ist eyn dienstpar knecht aller ding vñ ydeman vnterthan.

Dise zween beschluß seynd klarlich sanct Paulus. 1. Co. 12. Ich byn frey yn allen dingen/ vñ hab mich eynß ydemā knecht gemacht. Ier. Ro. 13. Ih: solt niemand ettwz vorpflichtet seyn/ den dz yr euch vnternāder liebet. Lieb aber/die ist/dienstpar/vñ vnterthan dem das sie lieb hatt. Also auch von Christo Gal. 4. Gott hatt seynen son außgesandt/von eynem weyb geporen vñ dem gesetz vnterthan gemacht.

¶ Zum andern/ Dise zwo widderstendige rede/ der freyheyt vñ dienstparkeyt zuuonehmen/ sollen wir gedanken/ das eyn yglich Christen mensch ist zweyerley natur/ geystlicher vñ leyplicher. Nach der seelen wirt er eyn geystlich/ new/ ymmerlich mensch genemmet/ nach dem fleisch vñ blut wirt er eyn leyplich alle vñ eußerlich mensch genemmet. Vñ vñß dieses vnterschiediß willen/ werden von yhm gesagt yn der schrifft/ die do stracks widderinander seyn/ wie ich izt gesagt/ von der freyheyt vñ dienstparkeit.

¶ Zum dritten/ So nhamen wir fur vns den ynwendigen geystlichen menschen/ zusehen was dazzu geh die/dz er eyn frum frey/ Christen mensch sey vñ heysse. So istß offenbar/das keyn eußerlich ding mag yhn frey/noch frum machen/ wie es mag ymmer genemmet werden/denn seyn frumkeyt vñ freyheyt/widerß vñß seyn bößheyt vñ gefenckniß/ seyn mit leyplich noch eußerlich. Was hilffes die seelen/ das der leyp/ vñ gefangen/ frisch vñ gesund ist/ yßzet/trincke/lebe/wie er will. Widderuß was schadet das der seelen/ das der leyp/ gefangen krank vñ mar

3.
ist/hungert/dürstet vnd leydet/wie er nie gerne wolte. Dieser ding
reychet keyniss/bis an die seelen/sie zu befreynen oder fahen/ frum
oder böse zu machen.

¶ Zum vierden/ Also hilffet es die seele nichts/ ob der leyp
heylige kleyder anlegt/ wie die priester vñ geyslichen thun/ auch
mit ob er ynn den kirchen vnd heyligen staten sey. Auch mit ob er
mit heyligē dingē vmbgah. Auch nie ob er leyplich bette/ faste/
walle/ vnd alle gute werck thue/ die durch vnd ynn dem leybe ge
schehen mochten ewiglich. Es muß noch allis etwas anders
seyn/das der seelen bringe vnd gebe frumkeyt vnd freyheyte. Dem
alle diße obgenanten stück/ werck vnd weysen/ mag auch an
sich haben vnd üben/eyn böser mensch/eyn gleyßner vnd heuch
ler. Auch durch solch weesen keyn ander volck/ dem eyttell
gleyßner werden. Widderumb/schadet es der seelen nichts/ ob d
leyp vnheylige kleyder treget/ an vnheyligen orten ist/ yst/ trinckt/
waltet/ bettet nit/ vnd lessit alle die werck onstehen/ die die obge
nanten gleyßner thun.

¶ Zum finfften/ Hat die seele keyn ander dinc/ widder yn
hymel noch auff erden darynnen/ sie lebe/ frum/ frey/ vnd Chri
sten sey/ den das heyligē Enägeli/ das wort gottis von Christo
geprediget. Wie er selb sagt. Joh. 11. Ich byn dz leben vñ auff
stichung/ wer do glaubt yn mich/ der lebet ewiglich. Item. 17.
Ich byn der weg/ die warheit/ vnd das leben. Item Matt. 4.
Der mensch lebet nit alleyn von dem brot/ sondern von allen
worten die do gehen von dem mund gottis. So müssen wir
nu gewis seyn/ das die seele kan allis dings empfangen on des
worts gottis/ vnd on das wort gottis/ ist yhr mit keynem ding
beholfen. Wo sie aber das wort hat/ so darff sie auch keynes
andern dings mehr/ sondern/ sie hat in dem wort/ gnugde/ speiß
freud/ frid/ licht/ kunst/ gerechticheyt/ warheit/ weysheyte/ freyheit
vnd allis gute überschwenglich. Also lesen wir ym Psalter
sonderlich ym. 118. psalm/ das der prophet nit mehr schreyet/ dan
nach dem gottis wort. Vnd yn d̄ schriffte die aller hochste plag
vnd gottis zorn gehalten wirt/ so er seyn wort von der mens
schen nympt/ Widderumb keyn grösser gnade/ wo er seyn
wort byn sendet/ wie psalmus. 104. stet. Er hat seyn wort auß
gesandt/ damit er yhn hatt geholffan. Vnd Christ⁹ vms keyns

anden ampts geholffen/den zu predigen das wort gottis kün-
men ist. Auch alle Apostell/Bischoff/ püester vñ gantzer geist-
licher stand/alley vmb des worts willen ist beruffen vnd eyn-
gesetzt/wie woll es nu leyder anders gah.

¶ Zum sechsten/ Fragstu aber/ wilchs ist dem das wort
das solch grosse gnad gibt. Vnd wie sol ichs gebrauchten. Ant-
wort. Es ist nit anders/ den die predige von Christo geschehen
wie das Euangelii ynnhelt. Wilche soll seyn/ vnd ist also ge-
than/das du hörist deynen gott zu dir reden/ Wie alle deyn le-
ben vnd werck/nichts seyn fur gott/ sondern müßist/ mit allen
dem das ym dir ist ewiglich vorterbet. Wilchs so du recht
glaubst/wie du schuldig bist/so mustu an dir selber vortrey-
ffeln/ vnd bekennen/das war sey der spuch G see. O Israel yn
dir ist nichts/denn deyn vorterbet/ alleyn aber yn mir steht deyn
hulff. Das du aber auß dir vnd von dir/ das ist auß deynem
vorterbet kömen müßigst/ so setz er dir fur/ seynen lieben son
Ihesum Christu/ vnd leßte dir durch seyn lebendigs trostlichs
wort sagen. Du solt ym den selben mit festem glauben dich er-
geben/ vnd frisch ym yhn vortrawen. So sollen dir vmb des
selben glaubens willen/ alle deyne sund vorgeben/ alle deyn vort-
erbet vberwunden seyn/ vnd du gerecht/ warhafftig/ befridet/
frum/ vñ alle gebot erfüllet seyn/ vñ allen dingen frey sein. Wie
S. Paulus sagt. Ro. i. Ein rechtfertiger Christen/ lebt nur von
seynem glauben. Vnd Ro. v. Christus ist das ende vnd fülle
aller gebot/denen/die ym yhn glauben.

¶ Zu siebenden. Dumb solt das billich aller Christen ey-
nigs werck vnd übung seyn/das sie das wort vñ Christu wol
ym sich bildeten/solchen glauben stetig vbeten vñ sterckte. Den
keyn ander werck/ mag eynen Christen machen. Wie Christus
Joh. 6. zu den Juden sagt/da sie yhn fragten/was sie fur werck
thun solten/dz sie götlich vñ Christlich werck theten. Sprach
er. Das ist das eynige götliche werck/das yhr glaube yn denen/
den gott gesandt hatt. Wilchen gott der vatter allein auch dar
zu vordner hatt. Darüß ist gar ein vberschwemlich reych-
tumb/ein rechter glaub yn Christo / denn er mit sich bringet alle
seligkeit/ vnd abnympt alle vnseligkeit. Wie Mar. xli. Wer do
glaubt vnd taufft ist / der wirt selig. Wer nit glaubt/ der wirt

4.

vordampft. Darumb der prophet Isa. x. Den reychthumb des sel-
ben glaubens ansach vnd sprach. Gott wirt eyn kurz summa
machen auff erden/ vnd die kurz summa wirt/ wie ein syndflut
eynfließen die gerechtigkeit/ das ist/ der glaub/ darynn kurzlich
aller gebot erfüllung steht/ wirt überflüssig rechtfertige alle die
yhn haben/ das sie nichts mehr bedürffen/ das sie gerecht vnd
frum seyn. Also sagt S. Paul Ro. x. Das man von hertzen
glaubt/ das macht eynen gerecht vnd frum.

¶ Czu achten/ Wie geht es aber zu/ das der glaub allein
mag frum machen/ vnd on alle werck so überschwencklich
reychthumb geben/ so doch sonill gesetz/ gebot/ werck/ stand vnd
weyße vns fürgeschriebten seyn/ ynn der schrifft. Sie ist fleiß-
sig zu mercken/ vnd yhe mit ernst zu behalten/ dz allein der glaub
on alle werck frum/ frey/ vñ selig machet/ wie wir hernach mehr
hören werden Vnd ist zu wissen/ das die ganze heyligeschafft/
wirt yn zweyerley wort geeyllet/ wilche seyn. Gebot oder gesetz
gottis/ vnd vorheyschen oder zusagunge. Die gebott/ leren vnd
schreyben vns für/ mancherley gutte werck aber damit seyn sie
noch nit geschehen. Sie weyßen wol/ sie helfen aber nit/ leren
was man thun soll/ geben aber kein sterck darzu. Darüb seyn
sie nur daz zu geordnet/ das der mensch dymnen sehe sein vnuor-
mögen zu dem gutten/ vnd lerne an yhm selbs vorz weyßeln.
Vnd darumb heysßen sie auch das alte testament/ vnd gehörien
alle ynß alte testament. Als/ das gebott/ Du solt nit böß begird
haben/ Beweyßet das wir allesamt sunder seyn/ vnd kein mens-
sch vor mag/ zu sein on böße begirde/ er thue was er will/ Dar-
auf er lernet an yhm selbs vorzagen vnd anderswo zu suchen
hulff/ das er on böße begird sey/ vnd also das gebott erfüllet/
durcheynen andern/ das er auß yhm selb nit vor mag/ also sein
auch alle andere gebott/ vns vnmüglich.

¶ Czu neunden/ Wan nu der mensch auß den gebotten sein
vornommen gelehret vñ empfunden hatt/ das yhm nu angst
wirt/ wie er dem gebott genig thue. Seyntemal das gebot muß
erfüllet seyn/ oder er muß vordampft seyn. So ist er recht gede-
mütige vnd zu nicht worden/ ynn seynen augen/ findet nichts
yn yhm damit er müg frum werden. Dan so küpt das ander
wort. Die gottlich vorheyschung vnd zusagung/ vnd spücht/

wiltu alle gepott erfüllen / beyner bößen Begirde vnd sund I. 3
werden / wie die gebott zwingen vnd foddern. Sibe da / glaub
in Christu / yn wilchem ich dir zusag / alle gnad / gerechticheyt /
frid vñ freyheyt / glaubstu so hastu / glaubstu nit / so hastu nit.
Den das dir vnmüglich ist / mit allen wercken d̄ gebott / der vill
vnd doch keyn nutz seyn müssen / das wirt dir leyche vnd kurtz /
durch den glauben. Den ich hab kurtzlich / yn den glauben ge-
stellet alle ding / das / wer yhn hat / sol alle ding haben vnd selig
seyn / wer yhn nit hat / soll nichts haben. Also geben die zusa-
gung gottis / was die gepott erfoddern / vnd volbringen / was
die gepott heysen / auff das es allis gottis eygen sey. Gepot vñ
erfüllung / er heysset allein / er erfüllet auch alleyn. Darumb seyn
die zusagung goettis / wort des newen testaments vnd gehoren
auch yns newe testament.

¶ Zum gehenden / Tu seyn dise vnd alle gottis wort / heylig
lig / warhafftig / gerecht / fridsam / frey vnd aller gütte voll / dar-
nimb wer yhn mit eynem rechten glauben anhangt / des seele
wirt mit yhm voreynige / so ganz vnd gar / das alle tugent des
worts / auch eygen werden der seelen / Vnd also durch den glau-
ben / die seele von dem gottis wort / heylig / gerecht / warhafftig /
fridsam / frey / vnd aller gütte voll / eyn warhafftig kind gottis
wirt / wie Johan. 1. sagt. Er hatt yhn geben / das sie mugen k̄yn
der gottis werden alle die ym seynem namen glauben.

Hierauff leychtlich zu mercken ist / warumb der glaub so vill
vornagt / vnd das keyne gutte werck yhm gleych seyn mugen /
Den keyn gut werck / hanget an dem gottlichen wort / wie der
glaub / kan auch nit yn der seelen seyn / sondern alleyn das wort
vnd glaube regiren / yn der seelen / Wie dz wort ist / so wirt auch
die seele vñ yhm / gleych / als das eyssen wirt glutrodt wie das
feyr auß der voreynigung mit dem feyr. Also sehen wir / das an
dem glaubem eyn Christen mensch gung hat / darff keynis
wacks / das er frum sey / darff er den keynis wercks mehr / so ist
er gewislich empunden von allen gepotten vnd gesetzen / ist er
empunden / so ist er gewislich frey / Das ist die Christlich freyheit /
der eynige glaub / dar do macht / nit das wir müßig gahn oder
ußell thun mugen / sondern das wir keynis wercks bedürffen zur
frumkeyt vnd seligkeyt zu erlangen / dauon wir mehr hernach
sagen wollen.

Zum eylfften

¶ Czu eylfften/ Weytter ist's mit den glauben also gethan/
 das/wilcher dem andern glaube/der glaube/yhm darumb. das
 er yhn fur eynen frumen warhafftigen man achtet/ wilchs die
 größte ehre ist/ die ein mensch dem andern thun kan/ als widder
 umb die größte schmach ist/ so er yhn fur eynen losen lugen-
 hafftigen leychefertigen man achtet. Also auch wenn die seele
 gottis wort festiglich glaube/ so helt sie yhn fur warhafftig/
 frum vñ gerecht/da mit sie yhm thut die aller grössiste ehre die
 sie yhm thun kann/denn da gibe sie yhm recht/ da lessit sie yhm
 recht/ da ehret sie seynen namen/ vnd lessit mit yh handeln wie
 er will/ denn sie zweyffelt nit er sey frum/ warhafftig ym allen
 seynen worten. Widderumb kan man gott keyn grössere vn-
 ehre auffheym/denn yhm nit glauben/damit die seele yhn fur eynen
 vntuchtigen lugenhafftigen leychefertigen helt/ vñ souil an yhn
 ist/ yhn vorleugnet mit solchen vnglauben/ vnd ein abgott
 yhes eygens sym/ym hertzen widder gott auffricht/ als wole
 sie es besser wissen denn er. Wenn denn gott sibet/ das yhm die
 seele/warheit gibe vnd also ehret durch yhren glauben/ so ehret
 er sie widderumb/ vnd helt sie auch fur frum vnd warhafftig/
 vnd sie ist auch frum vnd warhafftig durch solchen glauben/
 denn das man gott die warheyt vñ frumkeit gebe/ das ist recht
 vnd warheit/ vnd macht recht vnd warhafftig. Die weyll es
 war ist vnd recht/ das gotte die warheit geben werd. Wilchs
 die nit thun/ die nit glauben/ vnd doch sich mit vielen guttan
 wercken/ treyben vnd mühen.

¶ Czum zwölfften/ Tut allein gibe der glaub souil/das die
 seele/dem goetlichen wort gleych wirt aller gnaden voll/frey/vñ
 selig/ sondenn voreynigt auch die seele mit Christo/ als eyne
 braut mit yhem brudgam. Auß wilcher ehe folget/wie S.
 Paulus sagt/das Christus vñ die seele/cyn leyb werden/ so wer-
 den auch beyder gutter/fall/vnfall vnd alle ding gemeyn/ das
 was Christus hatt/das ist eygen/der glaubigen seele/ was die
 seele hatt/wirt eygen Christi. So hatt Christus alle gütter vnd
 seligkeit/die seyn der seele eygen. So hatt die seele alle vntugend
 vnd sund auff yhn/die werden Christi eygen. Zie hebt sich nu
 der frölich wechsel vnd streytt/Die weyl Christus ist gott vnd
 mensch/ wilcher noch nie gesündigt hatt/ vnd seyne frumkeyt

vñ bñwündlich/ewig/vñd almchtig ist/ so er dem der glaa-
Bigen seelen sund/ durch yhm braudering/das ist/d glaub/yñ
selbs eyger macht vñd nit anders thut/den als hett er sie gethā/
so müssen die sund yñ yhm vñschlunden vñ erschuffe werden/
Dem sein vñbñwündlich gerechtigkeit/ ist allem sunden zu-
stark/ also wirt die seele vñ allen yhren sunden/tauterlich durch
yhr malchazges/das ist des glaubens halber/ledig vñd frey/
vñd begabte/mit der ewigen gerechtigkeit yhs bñdigmā Chri-
sti. Ist nu das nie ein fröliche wirtschafft/da der reiche/edle/
frummer bñdigmā Christus/das arm vorachte böses hñlein
zur che nympf/vñd sie entledigt von allem übell/zieret mit allen
gütern. So ist's nie möglich/das die sund sie vñdampne/den
sie ligen nu auff Christo/vñ sein yñ yhm vñschlunden/so hat
sie so ein reiche gerechtigkeit yñ yhm bñdigmā/das sie aber
mals/wider alle sund bestahn mag ob sie schon auff yhr legē.
Dauon sagt Paulus.1.Co.15. Gott sey lob vñd danck der vñs
hatt gegeben ein solch bñwündung yñ Christo Ihesu/ yñ
wilcher vñschlunden ist/ der todt mit der sund.

¶ Czu diez behenden/ Zie sichstu aber/ auß wilchem grund
dem glauben sonil billich zugeschrieben wirt/das er alle gepott
erfullet/vñd on alle andere werck frum macht. Dem du siehest
hie/das er das erste gepott erfullet alleine da gepotten wirt/ Du
solt eyner gott ehren. Wenn du nu eytell gutt werck werist/bis
auff die vñsem / so weristu democh nie frum vñd gebist gott
noch keyn ehre/ vñd also erfullist du das aller erst gepott nicht.
Dem gott mag nicht gehiet werden/ yhm werd dan/ wartheye
vñd allis gutt zu geschrieben/wie er dem warlich ist/Das thun
aber keyn gutte werck / sondern allein der glaube des hertzen.
Darumb ist er allein/die gerechtigkeit des menschen vñd aller ge-
pott erfullung. Den wer das erste haubt gepott erfullet/der er-
fullet gewislich vñd leychelich auch alle ander gepott. Die
werck aber seyn todte ding / kunden nie ehren noch loben gott/
vñ lob/ aber wir suchē hie den/d nie gethan wirt/als die werck/
sondern den selbhetter vñd werckmeyster/der gott ehret / vñd die
werck thut. Das ist niemāt dan der glaub des hertzen/der ist
das haubt vñd ganzis wesen der frumkeyt / darumb es eyn

6.
feylich finster rede ist. Wenn man leret / die gottis gepott mit
wercken zu erfüllen / so die erfüllung für allen wercken / durch den
glauben muß geschehen seyn / vnd die werck folgen nach der er-
füllung / wie wir hiezu werden.

¶ Zum vierzehenden / Weytter zu sehen / was wir yn Chri-
sto haben / vnd wie groß gutt sey / ein rechter glaube. Ist zu
wissen / das für vnd ynn dem alten testament / gott yhm auß
zog vnd fürbehilt alle erste menliche gepurt / von menschen vñ
von thieren / Vnd die erste gepurt war lösslich vnd hatt zwey
grosse forteyll für allen andern kindern / nemlich die hurschafft
vnd priester schafft odder künigreich vnd priesterthum / also
das auff eden / das erste geporn kneblin / was eyn har vñ alle
seyne brüder vnd ein psaff odder Babst für gott. Durch wil-
che figur bedautt ist Ihesus Christus / der eygentlich / die selb
erste menlich gepurt ist gottis vatters / von der Junpfrauen
Marie. Darumb ist er ein künig vñ priester / doch geystlich.
denn seyn reich ist nit yrdnisch noch yn ydemischen / sonderñ yn
geystlichen guttem / als da seyn / warheyt / weysheytt / frid / freud /
seligkeyt zc. Damit aber nit außgezogen ist zeylich gutt /
denn es ist yhm alle ding vnterwoissen / ynn hymell / erden vnd
helle / wie wol man yhn nit sieht / das macht / das er geystlich /
vnsehlich regirt.

Also auch seyn priesterthum steht mit ynn dem ewselichem
gepott / vnd kleyden / wie wir bey den menschen sehen / son-
dern es steht ynn geyst vnsehlich / also / das er für gottis au-
gen on vnterlaß / für die seynen steht vnd sich selb opffert vnd
allis thut / was eyn frum priester thun soll. Er bittet für vns /
Wie S. Paul. Ro. 8. sagt. So leret er vns ynnwendig ynn
hertzen / wilchs sein zwey eygentliche recht ampt eyniß priesters
Denn also bitten vnd leren auch ewselich menschlich zeylich
priester.

¶ Zum funffzehenden / Wie nu Christus die erste gepurt
hatt / mit yher ehre vnd würdickat / also / teyllt er sie mit allem
seynen Christen / das sie durch den glauben / müssen auch alle kün-
ige vnd priester seyn / mit Christo / Wie S. Petrus sagt. i. Pet. 2.
Ih. seyt ein priesterlich künigreich / vñ ein küniglich priesterthum.

Vnd das gehet also zu/das ein Christen mensch durch den glauben so hoch erhaben wirt vber alle ding / das er aller eyn herr wirt geystlich/denn es kan yhm kein ding nit schaden zur seligkeit. Ja es muß yhm alles vnterthan seyn vnd helfen zur seligkeit. Wie S. Paulus leret Ro. 8. Alle ding müssen helfen dem außserwelten/zu yhrem besten/es sey leben/sterben/sünd/frumkeit gut vñ böses/wie man es nennen kan. Item. 1. Cor. 3. Alle ding seynd ewig/es sey das leben oder d. todt/kegenwertig oder zukünfftig 2c. Nit das wir aller ding leylich mechtig seyn/sie zu besetzen oder zu brauchen / wie die menschen auff erden / denn wir müssen sterben leylich vnd mag niemant den todt entfliehen/ so müssen wir auch viel andern dingen vnterliegen / wie wir yn Christo vñ seynen heyligen sehen/ Denn dis ist ein geystliche herrschafft/die do regiert/yn der leylichen vnterdrückung/ das ist/ ich kam mich on allen dingen besser nach der seelen/das auch der todt vnd leyden / müssen mir dienen vnd nützlich seyn zur seligkeit / das ist gar ein hohe ehliche würdickheit vnd eyn recht almechtige herrschafft/ein geystliche künigreich / da kein ding ist so gut/so böse/es muß mir dienen zu gut/so ich glaube/vñ darff seyn doch nit / sondern meyn glaub ist mir gungsam. Siehe wie ist das ein köstlich freyheit vnd gewalt der Christen.

¶ Zum sechzehenden/ Vber das seyn wir priester/das ist noch vil mehr/dem künig sein/darumb/das das priesterthum vns würdig mache für gott zu treten vnd für andere zu bitten/ Dem für gottis augen zu stehen vnd bitten/gepürt niemant dem den priestern. Also hatt vns Christ? erwoiben/das wir mügen geystlich/für ein ander treten vñ bitten/ wie ein priester für das volck leylich tritt vnd bittet. Wer aber nit glaube yn Christu dem dienet kein ding zu gut / ist ein knecht aller ding / muß sich aller ding ergern. Dazzu ist sein gepett nit angenehm/ kumpfe auch nit für gottis augen/ Wer mag mi außdencken/ die ehre vnd höhe eynis Christen menschen: durch seyn künigreich ist er aller ding mechtig/ durch sein priesterthum ist er gottis mechtig/ denn gott thut was er bittet vnd wil/wie do stet geschrieben im psalter. Gott thut den willen der/die yhn fürchten/vnd ehören/ yhr gepett/ zu wilchen ehren er nur allein durch den glauben vnd

durch keyn werck kumpt. Darauß mā clar siset/wie eyn Christus
 menſch frey iſt von allen dingen vnd vbir alle ding / alſo
 das er keyner gutter werck/darzu bedarff/das er frum vnd ſelig
 ſey/ſondern der glaub bringes ym alles vber fluſſig. Vnd wo er
 ſo edicht were vnd meyner/durch ein gutt werck/frum/frey/ſelig
 odder Chriſten werden / ſo völrir er den glauben mit allen
 dingen/Gleich als/8 hund/der ein ſtuck fleiſch ym mund trug
 vnd nach dem ſchemen ym waſſer ſchnapet/damit/fleiſch vnd
 ſchem völdr.

¶ Zum ſiebzehenden fragiſtu/ Was iſt den für ein vnterſcheyde/
 / zwifchen den prieſtern vnd leyen ym der Chriſtenheyt/
 ſo ſie alle prieſter ſeyn? Antwort/ Es iſt dem wortlin prieſter/
 pfaß/geyſtlich vnd des gleychen vnrecht geſchehen/das ſie von
 dem gemeynen hauffen ſeyn gezogen/auff den kleynen hauffen
 den man izt nennet geyſtlichen ſtand. Die heylige ſchriſt/
 giſt keynen andern vnreſcheyd/denn das ſie/die gelereten odder
 geweyhetē/ nēnet ministros/ſeruos/oeconomos/das iſt/diener/
 knecht/schaffner/die do ſollen/ den andern/ Chriſtū/ glauben/
 vnd Chriſtliche freyheit predigen/Denn ob wir wol alle gleych
 prieſter ſeyn/ ſo kunden wir doch nit alle dienen odder ſchaffen
 vnd predigen. Alſo ſaget S. Paulus. 1. Co. 4. Wir wollen
 nichts mehr/ von den leuthen gehalten ſeyn/denn Chriſt^{us} diener/
 vnd ſchaffner des Euangeli. Aber nu iſt auß der ſcheynerrey
 worden eyn ſolch weltlich/eiſerliche/prechtige/ſorchtſam hirs
 ſchafft vnd gewalt/das yh: die recht weltlich machte/ ym keyn
 nen weg mag gleychen/gerad als weren die leyen etwas anders
 dem Chriſtenleuth / damit hyngenommen iſt der gantz vor
 ſtand Chriſtlicher gnad/freyheit/glaubens/vnd allis was wir
 von Chriſto haben/vnd Chriſt^{us} ſelbs/haben daſir vbirkümen/
 viel menſchen geſetz vnd werck/ſeyn gantz knecht wo:denn/der
 aller vntüchtigſten leuth auff erden.

¶ Zum achtzehenden/Auß dem allen lernen wir/das es nis
 gung ſey gepredigt. Wen man Chriſtus leben vnd werck oben
 hym vnd nur als ein hiſtori vnd Cronicken geſchicht predigt/
 ſchweyg dem/ ſo man ſeyn gar ſchweygt / vnd das geyſtlich
 recht oder ander menſchen geſetz vñ lere predigt. Er iſt auch
 will/die Chriſtū alſo predigen/vnd leſen / das ſie ein mit leyden

vñ yhn habent / mit den Juden zumñ odder sonst mehr kyn
dich weyß/drymen vber. Aber er soll vnd muß also priedige
sein/ dz mir vñ dir/der glaub drauß erwachß vñ erhalten werd-
Wilcher glaub da durch erwechß vnd erhalten wirt. Wen mir
gesagte wirt. Warum Chrustus künen sey/wie man sein brau-
chen vnd nießen soll/was er mir bracht vnd geben hat/das ges-
schicht/wo man recht auflegt / die Chrustlich freyheit / die wir
von yhm haben/vnd wie wir künig vnd püester seyn/aller ding
mechtig. Vnd allis was wir thun/das für gottis augen an-
genehm/vnd ehriet sey/wie ich biß her gesagte hab. Dan wo
ein hertz also Chrustu hriet/das muß frölich werden von ganz
zem grund/trost empfahen/vñ süß werden gegen Chrusto/yhn
widderumb lieb zu haben. Dahyn es nymmer mehr mit gesetzē
odder werck künmen mag/ Dem wer wil eynem solchen her-
zen schaden thun / oder erschreckenn? seie die sund vnd der todt
daher/so glaubt es Chrust? frumkeit sey sein/vnd sein sund sein
nymmer sein/sondem Chrusti/so muß die sund vorschwinden/
vnd lernet/mit dem Apostell dem todt vnd sund trotz bieten/vñ
sagen. Wo ist nu du todt deyn sig? Wo ist nu todt dein spieß?
hatt geben den sieg/durch Ihesum Chrustu vnsem herñ. Vnd
der todt ist erufft ym seynem sieg zc.

¶ Zum neuntzenden, Das sey nu gnug gesagte / von dem
ynerlichen menschen/von seynere freyheit/ vnd der heuße gerech-
tigkeit/wilch keynis gesetzs noch gutten wercks bedarff/ ya yhr
schedlich ist/ so yemant da durch wolt rechtfertig zu werde sich
vornemmen. Nu künmen wir auffß ander teyll/auff den au-
ßerlichen menschen. Sie wollen wir antworten allen denen/die
sich ergem auß den vorigen reden vñ pflegen zusprechen. Es so
dem der glaub alle ding ist vnd gult allein gnugsam frum zu
machen. Waruß sein dem die gutten werck gepotten? so wol-
len wir gutter ding sein/vnd niches thun. Teyn lieber mensch
nicht also. Es wer wol/also/wen du allein ein ynerlich men-
sch werist/vnd ganz geystlich vnd ynerlich worden/wilchs
nie geschichte biß am jüngsten tag. Es ist vñ bleybe auff erde
nur ein anhebar vñ zu nehmen/wilchs wirt in yhener welt volk

Tracht. Daher heysset der Apostell primitias spiritus? das sein die ersten fruchte des geysts/dumb gehöret hie her/ das droben gesaget ist. Ein Christe mensch/ist ein dienstpar knechte/vñ yder mā vnterthan/gleich/wo er frey ist/darff er nichts thun/wo er knechte ist/muß er allerley thun. Wie dz zugabe wollen wir sehē.

¶ Zum zwentzigsten/ Ob wol der mensch ynwendig nach der seelen/ durch den glauben gnugsam rechtfertig ist/ vnd alles hat was er haben soll/on das der selb glaub vñ gnugde/muß ymer zunehmen/Bisß ym yhenes leben. So bleybe er doch noch ym disem leyplichen leben auff erdenn/vnd muß seynen eygen leyp regieren vnd mit leuchten vmbgahen. Da heben sich nu die werck an/hie muß er nit māßsig gehn/da muß furwar der leyp mit fasten/wachen/erbeytten vnd mit aller messiger zuchte getrieben/vñ geübt sein/ das er dem ynnerlichen menschen vñ dem glauben gehoysam vnd gleichförmig werde/nit hyndere noch widderstreß/wie sein art ist/wo er nit erzwingen wirt/den der ynneliche mensch ist mit gott eynisß/frölich vnd lustig / vmb Christus willen/der yhm souil than hat/vñ stett alle seyn luste daryn/das er widderumb mocht gott auch vmbsonst dienen ym freyer lieb/so findt er ym seynen fleysch eynes widerstretigen willen/der wil der welt dienen vñ suchen was yhn lustet Das mag der glaub nit leyden/vnd lege sich mit lust/an seynen halß yhn zu dempfen vñ weren. Wie S. Paul sagt Ro. 7. Ich hab ein luste yn gottis willen nach meynem ynnern menschen/so find ich eynen andern willen ym meynem fleysch / der wil mich mit sunden gefangē nehmen. Item ich zuchtige meynen leyp vñ treis yhn zu gehoysam/auff das ich nit selbs vorwerfflich werde/der die andern leren soll. Item Gal. 5. Alle die Christū angehörien/creuzigen yh: fleysch mit seynen bössen lusten.

¶ Zu eyn vnd zwentzigsten/ Aber die selben werck/ müssen nit geschehn ym der meynung / das da durch der mensch frum werd fur gott/den die falsch meynung kan der glaub nit leyde/der alleyn ist vñ sein muß die frumkeyt fur gott/sonden mir yn der meynung/das der leyp gehoysam werde/vnd gereynigt von seynen bösen lusten/vñ dz aug nur sehe/auff die bösen lusten/sie auß zu treiben/Den die weyl die seel durch den glauben reyn ist/vñ gottliebet/wolt sie gem das auch also alle ding reyn weren

zumor yhr eygen leyp/ vnd yderman gott/ mit yhr liebe vnd lobel/
So geschichts/ das d mensch seyns eygen leyps halben nit kan
müßig gehen/ vñ muß vil gutter werck vber vben/ das er yhr
zwinge/ vnd doch die werck nit das rechte gutt seyn / danon er
frum vnd gerecht sey für gott / sondern thue sie auß freyer lieb
vmbsonst/ got zu gefallen/ nichts daryn anders gesucht noch
angesehen/ denn das es gott also gefellet/ wilchs willen er gerne
thet auffß allerbeste. Daraus dem ein yglicher kan selbs neh-
men die maß vnd bescheydenheit den leyp zu Casteyen/ Denn/ er
fastet/ wachet/ erbeyt/ sonnell er siche dem leyp nott seyn / seynat
mittwillen zu dempffen. Die andern aber/ die do meynen mit
wercken frum zu werden / haben keyn acht auff die casteyung/
sondern sehen nur auff die werck/ vnd meynen/ wen sie der selben
nur viel vnd groß thun / so sey es wol than vnd sie frum wür-
den/ zu weyllen zu brechen die löpff vnd vortreiben yhr leybe ditz-
ber/ das ist ein große torhey/ vñ vnuorstand Chrißtlchs lebens
vnd glaubens/ das sie on glauben / durch werck frum vnd sel-
lig werden wollen.

¶ Zum zwoey vnd zwanzigsten/ Das wir des etlich gleych
niß geben. Soll man die werck eynis Chrißtan menschen der
durch seynen glaube/ vñ auß lauten gnaden gottis/ vmbsonst
ist rechtfertig vnd selig worden / mit anders achten / dar wie die
werck Adam vnd Eue ym paradiß gewesen weren / Danon
Gen. 2. stett geschrieben. Das gott den geschaffenen menschen/
setzt ynß paradiß/ das er dasselb erbeytet vnd hutten solt.
Vñ war Adam von gott frum vnd wol geschaffen/ on sund/
das er durch seyn erbeytet vnd hutten nit durfft frum vñ rechte
fertig werden/ doch das er nit müßig gieng / gab yhm gott zu
schaffen/ das paradeys zu pflantzen / sa wen vnd bewarem.
Wilchs weren eytell frey werck gewesen/ vmb keynß dings wil-
len geihan/ dem allein gott zu gefallen / vnd nit vmb frumkhey
zu erlangen / die er zumor hett/ wilch vns auch allen naturlich
were angeborn gewesen. Also auch eynis glaubigen man-
schen werck/ wilcher durch seynen glauben ist widerumb ynß
paradiß gesetzt/ vnd von neuen geschaffen/ darff keyner werck
frum zu werden/ sondern das er nit müßig gabe vnd seynen leyb
erbeyt vnd beware/ seyn yhm solche freye werck zu thun alleyn
gott zu gefallen bevolhet.

Item gleych wie eyn geweyheter Bischoff/ wen der kirchen weyheyt/fermet od̄ sonst seynis ampts werck vber/ so machen yhn die selben werck nit zu eynem bischoff/ Ja wenn er nit zu v̄n Bischoff geweyhet were/ so tüchte der selben werck keyn niß vnd were eytell narn̄ werck. Also eyn Chriſten/ der durch den glauben geweyhet/ gutte werck thut / wirt durch die selben nit besser oder mehr geweyhet (wilch nit dem des glauben mehrung thut) zu eynem Chriſten/ Ja wam er nit zuvor glaubet vñ Chriſten were/ so gälten alle seyne werck nichts/ sondern weren/ eytell narn̄sch/ strefflich vordamplich sund.

¶ Czu diey vnd zwenzigsten/ Dumb̄ seyn die zween spruch war. Gutte frum werck machen nymmer mehr ein guten frum̄ man/ sondern eyn gutt frum̄ man/ macht gutte frum̄ werck. Böſe werck machen nymmer mehr eynen böſen man / sondern ein böſer man macht böſe werck/ also/ das allweg/ die person zuvor muß gut vñ frum̄ sein vor allen gutten wercken/ vñ gutte werck folgen vnd außgahn / von der frum̄en gutten person.

Gleych wie Chriſtus sagt. Ein böſer barom treget keyn gutte frucht. Ein gutter barom treget keyn böſe frucht. Ein iſes offer bar/ das die frucht tragen nit den barom/ so wachsen auch die barom nit auff den fruchtan / sondern widerumb / die barom tragen die frucht/ vnd die frucht wachsen auff den baromen. Wenn die barom muſſen ehe seyn/ den die frucht/ vñ die frucht machen nit die barom wiß gutte noch böſe/ sondern die barom machen die fruchte. Also muß der mensch ym̄ der person zu vor frum̄ oder böſe seyn/ ehe er gutte oder böſe werck thut/ Vnd seyne werck machen yhn nit gutt odder böſe/ sondern er macht gutt odder böſe werck. Des gleychen sehen wir ym̄ allen hand wercken. Ein gutt oder böſe hauß macht keynen gutten oder böſen zymmernan / sondern ein gutter oder böſer zymmernan / macht ein böß oder gutt hauß / keyn werck macht eynem meyster/darnach das werck iſt/ sondern wie d̄ meyster iſt/ darnach iſt sein werck auch. Also seyn die werck des menschen auch/ wie es mit yhm̄ ſtett ym̄ glauben od̄ vnglauben/ darnach seind seyne werck gutt oder böſe. Vnd nit wideruß/ wie seyne werck ſtehn darnach sey er frum̄ odder glaubig/ die werck/ gleych wie sie nit glaubig machen/ so machen sie auch nit frum̄.

Aber der glaub gleich wie er frum macht / so macht er auch
gutte werck. So dan die werck niemant frum machen / vnd der
mensch zuuor muß frum sein / ehe er würck / so ifts offenbar / das
allein der glaub auß lautteren gnaden / durch Christu vnd seyn
wort / die person gnugsam frum vnd selig machet. Vnd das
keyn werck / keyn gepott / eynem Christen noth sey zur seligkeit / son
dern er frey ist von allen gepotten / vñ auß lautterer freyheit / vñ
sonst thut / alls was er thut / nichts damit gesucht seynes nutz
oder selickeit / Dem er schon satt vnd selig ist / durch seynem
glaubem / vnd gottis gnaden / sondern nur gott darynnen ge
fallen.

¶ Zum. xliij. Widdemüß dem / der on glauben ist / ist kein
gutt werck fürderlich zur frumkeit vnd seligkeit / Widdemüß
keyn boße werck yhn boße vnd vordampft machen / sondern der
unglaub / der die person vnd den bawm böß macht der thut
boße vnd vordampft werck. Darumß wen man frum odder
boße wirt / hebet sich nit an den wercken an / sondern an dem
glauben / Wie der Weysen man sagt. Anfang aller sund / ist von
gotte weycken vnd yhm nit trawen. Also lere auch Christ
wie man nit an den wercken muß anheben vñ sagt. Entweder
mache den bawm gutt vnd seyne fruchte gutt / oder mache den
bawm boße / vnd seyne fruchte böße / als solt er sagen / wer gutte
fruchte haben wil / muß zuuor an dem bawm anheben / vnd den
selben gutt setzen. Also wer do wil gutte werck thun / muß nit
an den wercken an heben / sondern an der person / die die werck
thun soll. Die person aber macht niemant gut / dem allein der
glaub / vnd niemant macht sie boße dem allein der unglaub.
Das ift wol war / die werck machen eynen frum odder boße für
den menschen / das ift / sie zeygen eußerlich an / wer frum od boße
sey. Wie Christus sagt. Matt. 7. Auß yhren fruchten sollet yhe
sie erkennen. Aber das ift alles / ym scheyn vnd eußerlich. Wilchs
an sehem yre macht viel leuch / die do schreyben vnd leren / wie
man gutte werck thun soll vnd frum werdenn. so sie doch / des
glaubens nymmer gedencen / gahn dahynn / vnd füret ymmer
ein blind den andern / martern sich mit vielen wercken vnd kl
men doch nymmer zu der rechten frumkeit / von wilchen Sanct
Paul sagt. 2. Timo. 3. Sie haben eynen scheyn der frumkeit /

10.
aber der grund ist nie da/ gehn hym vnd lernen ym̄er vñ ym̄mer
vnd kummen doch nymer zur erkentnis der waren frumkeit.
Wer nu mit den selben blinden nit wil ynen/ muss weytter sehen/
den ym die werck/ gepott/ obder lere der werck. Er muss ym die
person sehen fur allen dingen/ wie die frum werd. Die wirt aber
nit durch gepott vnd werck/ sondern durch gottis wort (das
ist/ durch seyne vorheyschung der gnaden) vnd den glauben/
frum vnd selig/ auff das bestehe seyn gotliche ehre/ das er vns
nit durch vnser werck/ sondern durch seyn gnedigs wort vmb
sonst vnd lauter Barmhertzikeit selig mache.

¶ C 3. xv. Auß diesem allen ist leydelich zuno: stehen/ wie
gutte werck zu vorwerffen vñ nit zuno:werffen seyn. Vnd wie
man alle lere vor:stahn soll/ die do gutte werck leren/ dann wo
der falsch anhang/ vñ die vor:kerete meynung seyn ist/ das durch
die werck/ wir frum vnd selig werden wollen/ seyn sie schon nit
gutt/ vnd ganz vordamlich/ den sie seyn nit frey/ vnd schmechen
die gnad gottis/ die allein durch den glauben frum vnd seligt
macht/ wilchs die werck nit vor:umügen/ vñ nehme es yhn doch
fur zu thun/ vnd damit der gnaden/ ym yhr werck vnd ehre grey
ffem. Druumb vorwerffen wir die gutte werck/ nit vmb yhren
willen/ sondern/ vmb des selben boszen zusatzs vnd falscher
vor:kerete meynung willen. Welche macht/ das sie nur gutte
scheynen/ vnd seyn doch nit gutt/ betriegen sich vnd ydeman
damit/ gleych wie die reyssend wolff/ ym schaffe kleydem̄.
Aber der selb bosze zusatz vnd vor:kerete meynung/ ym den wer
ckent/ ist vnübwindlich/ wo der glaub nit ist. Er muss sein/
ym dem selben wirckheyligen/ bis der glaub kom vnd vor:
si die yhn/ die natur vor:mag yhn/ von yhr selb nit auß treyben̄.
Ja auch nit erkennen/ sondern sie helt yhn fur eyn kōselich/ sel
lig dingk/ drumb werden yhr auch so viel da durch vor:füret.
Derhalben/ obs woll gutt ist/ von rewen/ beychten/ gnugghum/
schreyben vnd predigen/ so man aber nit weytter firt bis zum
glauben/ sein es gewislich/ etel teuflische/ vor:frutische lere. N̄
muss nit cynaley allein pdigen/ sondern alle beyde wort goctis/
Die gepot/ sol mā predigen/ die sinder zur schuckē vñ yhr sund
zu offenbarm/ das sie rewe haben vnd sich bekēren. Adā da soll
es nit bleyben/ mā muss/ das ander wort/ Die zusagüg der gna

Den auch predigen/ben glauben zu leren/on wilchem die gepott
rew vnd allis ander vorgebenß geschicht. Es sein wol noch
bleiben prediger/die rew der sund vñ gnad p̄digen/aber sie strey-
chen die gepott vnd zusagung gottis nit auß/das mā lere/wo
her vnd wie die rew /vnd gnad kumme. Dem die rew/fluß
auß der gepotten/der glaub / auß der zusagung gottis / vnd
also wirt d̄ mensch/durch den glauben gotlicher wort gerecht
fertiget vnd erhaben/der durch die fürcht gottis gepottis gedē
mütiget/vnd ynn seyn erkentniß kummen ist.

¶ Zum. xxvi. Das sey von den wercken gesagt ynn gemeyn
vnd die ein Christen mensch gegen seynem eygen leybe üben sol.
Tu wollar wir von mch: wercken sagen / die er gegen andere
menschen thut. Dem der mensch lebt nit allein / ynn seynem
leybe/sondern auch vnter andern menschen auff erden. Dar-
umb kan er nit on werck sein gegen die selbst / er muß yhe mit
yhn zu reden vnd zu schaffen haben/ wie wol yhm der selbst
werck keyns nott ist zur frumkeit vnd seligkeit. Dumb soll
seyne meynung ynn allen wercken frey vnd nur dahynn gericht
seyn / das er andern leuten damit diene vnd nütz sey. Nichts
anders yhm fürbilde/denn was den andern nott ist/das heysste
dem ein warhaßtig Christen leben/ vnd da geht der glaub mit
lust vnd lieb yns werck/als S. Paulus lere die Galatas.
Denn zu den Philippen / do er sie geleret hatte/wie sie alle gnad
vnd gnugde hettam durch yhien glauben yn Christo / lere er sie
weyter vnd sagt. Ich vo:man euch allis trosts / den yhr ynn
Christo habe/vnd allis trosts / den yhr: habt von vnser liebe zu
euch/vñ aller gemeinschafft/die yhr: habt mit allen geystlichen
frumen Christen/yhr: wolt meyn hertz erstrewen volk̄ömlich/ vñ
das damit/das yhr: hynsurt/wollet eyniß synnes seyn/eyner ge-
gen dem andern lieb arzeygen/eyner dem andern dienen / vnd ein
ygllicher acht haben/nit auff sich noch auff das seyne/sondern
auff den andern/vnd was dem selbst nott sey. Sihe da hat
Paul⁹ klerlich/ein Christenlich leben dahynn gestellet / das alle
werck sollen gericht seyn/dem nechsten zu gutt/ Die weyl ein yg-
licher für sich selbst gnug hatt an seynen glauben/vñ alle andere
werck vñ leben yhn vbüß seyn/seynem nechste damit auß freyer
lieb zu dienen/Dartzu suret er ein/Christū zu eynem exempel vnd

sage. Seyt also gesymmet/ wie yhs seht yn Christo. Wilcher ob er wol voll gottlicher form ware vnd fur sich selb gnug hatte/ vnd yhm sein leben/wircken vnd leyden nicht nott ware/ das er da mit sam odder seligt wird. Danoch hatt er sich des alles geeinsetzt/ vnd geperdet wie ein knecht/ allerley gethan vnd gelidern/ nichts angesehen/ denn vnser bestis/ vñ also ob er wol frey ware/ doch vmb vnser willenn ein knecht worden.

¶ Zum. xvij. Also soll ein Christen mensch/ wie Christus seyn heuße/ voll vnd satt/ yhm auch benutzen lassen an seynem glauben/ den selber ymer mehrern/ wilcher seyn leben/ frumkeit vnd seligkete ist/ der yhm gibet allis was Christ² vnd gott hat/ wie droben gesage ist. Vnd S. Paul Gal. 1. spricht/ Was ich noch ym dem coeper lebe/ das lebe ich ynn dem glauben Christi gottis sohn. Vnd ob er nu ganz frey ist/ sich wider auß williglich eynē diener machen seynen nechsten zu helfsam/ mit yhm faran/ vnd handeln / wie gott mit yhm durch Christū handel hatt / vnd das allis vmbsonst / nichts darynnen suchen denn gottliches wolgefallen/ vnd also dencken. Wolan meyn gott hatt mir vnwürdigen vor. dampfen menschen/ on alle vor dienst/ lauterlich vmbsonst vñ auß eytel barmhertzigkeit geben/ durch vnd ym Christo / vollen reychtumb aller frumkeit vnd seligkeit/ das ich hynfirt/ nichts mehr bedarff/ denn glauben es sey also. Ey so will ich solchem vatter der mich mit seynen vberchwenglichen guttern also vber schutet hatt/ widerumb/ frey/ frölich vnd vmbsonst thun was yhm wolgefallet/ Vnd gegen meynem nechsten auch werden ein Christen / wie Christus mir worden ist/ vnd nichts mehr thun/ denn was ich nur sehe/ yhm nott/ nützlich vnd seliglich sey / die weyl ich doch / durch meynem glauben/ allis dings yn Christo gnug habe. Sih also flussset auß dem glauben die lieb vñ lust zu gott/ vnd auß der lieb/ ein frey/ willig/ frölich leben dem nechsten zu dienē vmbsonst. Dem zu gleych wie vnser nechst nott leydet / vnd vnser vbrügenn bedarff/ also haben wir fur gott nott geliden vnd seynen gnaden bedurfft. Darumb wie vns gott hatt durch Christū vmbsonst geholffen/ also sollen wir/ durch den leyh/ vnd seyne werck / mit anders den dem nechsten helfen. Also sehen wir wie eyn hoch edliß leben sey vmb ein Christlich leben/ das

leyder mir ynn aller welt / mit allein nyderliget / sondern auch nit
mehr bekande ist noch gepredigt wirt.

¶ Zum xxviij. Also lesen wir Luce. 2. Das die Jumpsraw
Maria zur kirchen gieng nach den sechs wochen und ließ sich
reynigen nach dem gesetz / wie alle ander weyber / so sie doch nit
gleych mit yhn unreyn war / noch schuldig d selben reynigung /
bedurfft yh: auch nit. Aber sie thetts auß freyer lieb / das sie die
andere weyber nit vorachtet / sondern mit dem hauffen bliebe.
Also ließ S. Paul / S. Timothei beschneyeten / mit das es nott
were / sondern das er den schwachglaubigen Juden nit visach
gebe / zu bosen gedanken / der doch widerumb Titu nit wolle
lassen beschneyete / da mā drauff dringen wolt / er must beschmit
seyh / und were nott zur seligkeit. Vnd Christus Matt. 17. Da
vß seyner Jüngern ward die zynß pfennig gefodder / disputat
er mit S. Peter / ob nit künigs kynder frey waeren zynß zu geben.
Vnd sanct Peter / ia sagt. Hieß er yhn doch hymn gehen an dz
mehr und sprach / Auff das wir sie nit ergann / so gang hyn /
den ersten fisch du schiff / den nym und yn seynen maull wirstu
finden eyner pfennig / den gib fur mich vñ dich. Das ist ein seyn
exempell / zu diser lere / da Christus / sich vnd die seyner freye kün
nigs kinder nennet / die keynis dings bedurffen / und doch sich
unterleßit williglich / dienet und gibe den zynß. Wie vill mir
das werck / Christo nott war und dienet haet / zu seyner frumkeit
oder seligkeit / so vil sein alle ander sein und seyner Christen werck
yhn nott zur seligkeit / sondern sein allis frey dienste / zu willen vñ
besserung der andern. Also solten auch aller püester / klöster und
stiffe werck gehā sein / das ein yglicher seynis stands vñ odens
werck allein daruß thet / den andern zu wilfaren vñ seynen leib
zu regieren / den andern exempell zu geben auch also zu thun / die
auch bedurffen yhre leyß zu zwingen / doch alzeit / furscher
das nit da durch frum und selig werden / furgenommen werd.
Wilchs allein des glaubens vorwügen ist. Auff die weyße ge
pente auch S. Paul Ro. 13. vñ Tit. 3. Das sie sollet weltlicher
gewalt unterthā vñ bereyt sein / nit das sie da durch frum werde
sollen / sondern das sie den andern vnd der wikeit da mit frey
dieneten und yhren willen thetten auß lieb vñ freyheit. Wer mir
dissen vorstand hette / der kund leychelich sich richten / ynn die

vntzlichen gepotten vnd gesezen des Babsts / der Bischoff /
 der klöster / der stiffe / der fursten vñ herñ / die etlich tolle prelaten
 also treyben / als weren sie nott zur seligkeit / vnd heysen es / ge-
 pott der kirchen / wie wol vnrecht. Den ein freyer Christen spru-
 che also . Ich wil fasten / betten / dirz vnd das thun / was ge-
 potten ist / mit dz ichs bedarff od da durch wolt frum oder selig
 warden / sondern ich wils dem Babst / Bischoff / der gemeyn / od
 meynem mit bruder / herñ zu willen / exempel vnd dienst thun vñ
 leyden / gleych wie mit Christus viel grösser ding zu willen thā
 vnd geliden hatt / des yhm vill weniger nott ware. Vnd ob
 schon die tyrannie vnrecht thun solchs zu söddem / so schadets
 mir doch nit / die weyl es nie widder gott ist.

¶ Zum. xix. Hieraus mag ein yglicher ein gewis viteyl vñ
 vnterscheyde nehmen / vnter allen wercken vnd gepottent / auch
 wilchs blind tolle od recht symmige prelaten sein. Den wilchs
 werck nit dahynaus gericht ist / dem andern zu dienen / oder sey-
 nen willen zu leyden / so fern er nie zwing / wider gott zu thun /
 so ist es nit ein gut Christlich werck. Daher kumpes / das ich
 soz / wenig stiffe kirchen / klöster / altar / mess / testamēt / Christ-
 lich sein / Dazu auch / die fasten vnd gepett elichen heyligen /
 sondalich gethan. Denn ich fürcht / das ym den allen sampt
 ein yglicher nur das seyne sücht / vor meynend damit sein sund zu
 büssen vnd selig werden. Wilchs allis küpt auß vnwissenheit
 des glaubens vñ Christlicher freyheit / Vnd etlich blind platen /
 die leuch da hym treyben vnd solch wesen preysen / mit ablas
 schmucke vñ den glauben nymer mehr leren. Ich rate dir aber
 wilten etwas stiffen / betten / fasten / so thu es mit der meynung / dz
 du wollist dir etwas guts thū / sondern gibs dahin frey / dz ande
 leuch desselben geissen mugen vñ thu es yhm zu gut / so bistu ein
 rechter Christe / woz sollē dir dein gütter vñ gute werck die dir üß-
 rig sein / dein leyß zu regieren vñ vorsorgen / so du gnug hast an
 glauben / daryn dir gott alle ding geben hat. Sihe also müssen
 gottis gutter fließen auß eyne / yn den andern vñ gemeyn werdē.
 dz ein yglicher sich seynis nehstē also annehm / als were er selb
 auß Christo fließen sie yn vns / vñ sich vnser hatt angenē man ym
 seynē leben / als were er dz gewesen / dz wir sein. Auß vns sollen
 sie fließen / yn die / so yr bedurffen. Auch so gar / dz ich muß auch

meynem glauben vnd gerechticheyt, für meynem nechsten setzen
für gott/seyne sund zu decken/auff mich nehmen vnd nit anders
thun,dam als waren sie meyn eygen/eben wie Christ^{us} vns allen
than hatt. Sich das ist dienatur der liebe/wo sie warhafftig
ist/ Da ist sie aber warhafftig / wo der glaub warhafftig
ist. Darumb gibet der heylig Apostell/der lieb zu eygen.1. Cor.13
Das sie nit sucht das yhie/sondern/ was des nechsten ist.

¶ Zum. xxx. Auß dem allem folget der beschluß/ das eynt
Christen mensch lebet nit ym yhm self/sondern ym Christo vñ
seynem nechstem/yim Christo durch den glauben/ ym nechsten/
durch die liebe/durch den glauben feret er ober sich yn gott / auß
gott feret er widder vnter sich durch die liebe / vnd bleybet doch
ymmer ym gott vñ göttlicher liebe/ Gleych wie Christus sage
Johan.1. Jhr werdet noch sehen den hymell offen stehn/vñ die
Engell auff vnd absteyggen vñ den Sun des menschen.
Sihedas ist/ die rechte/geystliche/Christliche freyheyt / die das
hertz frey macht / von allen sunden / gesetzt / vnd gepottet/
wilch alle andere freyheyt vñtriffet / wie der hymell die erden
Wilch geb vns gott recht zuno:sehen vnd behaltam/
A M E N.

T

